

**REVIZORSKA KOMORA  
FEDERACIJE BOSNE I HERCEGOVINE**

Broj: S-10-12/12

Datum: 30.10.2012. godine

Na temelju člana 64., stav 3., tačka 2) Zakona o računovodstvu i reviziji u Federaciji Bosne i Hercegovine (»Službene novine FBiH«, broj 83/09.) i člana 13. tačka c) Statuta Revizorske komore Federacije Bosne i Hercegovine, Skupština Revizorske komore Federacije Bosne i Hercegovine na sjednici održanoj 30.10.2012. godine, donosi

**ODLUKU  
O STOPI DOPRINOSA, IZNOSU ČLANARINA I NAKNADA REVIZORSKOJ  
KOMORI FEDERACIJE BOSNE I HERCEGOVINE**

**I OPĆE ODREDBE**

**Član 1.**

Ovim odlukom reguliše se članski doprinos koji plaćaju članovi Revizorske komore Federacije Bosne i Hercegovine (u daljnjem tekstu: Komora), naknade koje Komora naplaćuje, obveznici i način i rokovi plaćanja.

**II ČLANARINE**

**Obveznici članskog doprinosa**

**Član 2.**

Obveznici plaćanja članskog doprinosa su članovi Komore:

- 1) ovlaštene revizore koji obavljaju reviziju ispunjenjem uvjeta iz člana 5. i člana 51. Zakona o računovodstvu i reviziji u Federaciji Bosne i Hercegovine (u nastavku: Zakon);
- 2) društvo za reviziju koje obavlja reviziju na temelju člana 5. i člana 50. Zakona.

**Članski doprinos za ovlaštene revizore**

**Član 3.**

Ovlaštene revizore upisane u registar Komore, plaćaju Komori članski doprinos u visini fiksnog godišnjeg iznosa od 100 KM.

Članski doprinos iz stava 1. ovog člana plaća se jednokratno na tekući račun Komore, najkasnije do 31. marta tekuće godine, odnosno u roku od 30 dana od dana upisa u registar Komore ovlaštenog revizora, koji su u toku godine postali članovi Komore.

Preduzeća za reviziju mogu plaćati članski doprinos za svoje uposlene ovlaštene revizore.

Plaćeni doprinos iz stava 1. ovog člana ne vraća se ovlaštenom revizoru koji je brisan iz registra Komore, odnosno društvu koje je platilo članski doprinos za svoje uposlene.

### **Članski doprinos za društva za reviziju**

#### **Član 4.**

Društva za reviziju upisana u registar Komore, plaćaju Komori članski doprinos u visini fiksnog godišnjeg iznosa od 300 KM i varijabilni godišnji članski doprinos u visini od 0,4% na osnovicu koju čini ostvareni poslovni prihod od usluga revizije društva za reviziju za prethodnu kalendarsku godinu.

Članski doprinos iz stava 1. ovog člana uplaćuje se na tekući račun Komore i to:

1. Fiksni godišnji iznosi najkasnije do 31. marta tekuće godine, i
2. Varijabilni članski doprinos kvartalno u tekućoj godini u srazmjerno jednakim iznosima, najkasnije po isteku tekućeg kvartala.

Novoosnovano društvo za reviziju, koje je u toku prve godine poslovanja postalo član Komore, za tu godinu plaća akontaciju varijabilnog godišnjeg članskog doprinosa u visini od 0,4%, na osnovicu koju čine planirani poslovni prihodi od usluga revizije društva za reviziju za tu godinu.

Naredne godine društvo za reviziju iz stava 3. ovog člana, utvrđuje konačan varijabilni godišnji članski doprinos u visini od 0,4% na osnovicu koju čini ostvareni poslovni prihod od usluga revizije za prethodnu kalendarsku godinu. Ukoliko je iznos akontacije varijabilnog godišnjeg članskog doprinosa manji od iznosa konačnog varijabilnog godišnjeg članskog doprinosa, društvo za reviziju je dužno razliku uplatiti na tekući račun Komore najkasnije do 31. maja tekuće godine. Ukoliko je iznos akontacije varijabilnog godišnjeg članskog doprinosa veći od iznosa konačnog varijabilnog godišnjeg članskog doprinosa, društvo za reviziju ima pravo na povraćaj više plaćenog dijela akontacije, ili pravo na umanjenje za isti iznos varijabilnog godišnjeg članskog doprinosa za tekuću kalendarsku godinu.

Plaćeni članski doprinos iz stava 1. ovog člana ne vraća se društvu za reviziju koje je brisano iz registra Komore.

Uz dokaz o uplati varijabilnog godišnjeg članskog doprinosa, društvo za reviziju je dužno da dostavi Komori izjavu zakonskog zastupnika u kojoj će biti naveden ukupan poslovni prihod društva za reviziju ostvaren od usluga revizije u protekloj kalendarskoj godini, odnosno poslovni prihod od usluga revizije koje novoosnovano društvo za reviziju planira u tekućoj godini i kojom će biti potvrđeno pod punom odgovornošću da su dati podaci tačni.

### **III NAKNADE**

#### **Član 5.**

Naknada za upis u registar koje vodi Komora iznosi: za društva za reviziju 500 KM, a za ovlaštene revizore 100 KM i plaća se jednokratno prije upisa u registar.

Naknada za upis promjene u registrima Komore iznosi: za društva za reviziju 100 KM, a za ovlaštene revizore 20 KM i plaća se jednokratno prije izvršene promjene u registru.

Naknada za izdavanje ovjerenih izvoda i potvrda iz registra Komore, iznosi 20 KM.

Ostali prihodi iz kojih se finansira Revizorska komora FBiH odnose se na stjecanje prihoda od naplate provedbe stručnog usavršavanja i prihoda od subvencija, donacija i potpora.

Upravno vijeće Revizorske komore FBiH iz svoje nadležnosti predlaže i donosi cijene ostalih usluga koje obavlja Komora.

#### **IV NADZOR**

##### **Član 6.**

Nadzor obračuna i uplate članarina i naknada utvrđenih ovom Odlukom provodi stručna služba Komore.

##### **Član 7.**

Neplaćanje članarine i doprinosa po drugoj opomeni razlog je za podnošenje prijave Disciplinskom vijeću Revizorske komore Federacije BiH. Prva opomena dostavlja se u roku od 30 dana od dospjeća članarine, odnosno od dospjeća doprinosa, a druga 30 dana od isteka roka dospjeća prve opomene. U slučaju da član Komore i nakon druge opomene ne plati članarinu ili doprinos, ona će se naplatiti sudskim putem, odnosno prisilnom naplatom.

#### **V PRELAZNE I ZAVRŠNE ODREDBE**

##### **Član 8.**

U iznosima članarina i naknada po ovoj odluci nije uračunat PDV.

##### **Član 9.**

Obaveza obračuna i uplate članarina i naknada na način i u rokovima utvrđenim članovima 3., 4. i 5. ove odluke, za članove Komore nastupa stupanjem na snagu ove Odluke.

##### **Član 10.**

Na članarine i naknade koje ne budu plaćene Komori u rokovima propisanim ovom Odlukom, obračunava se zatezna kamata u skladu sa važećim propisima.

##### **Član 11.**

Ova Odluka, uz Saglasnost Federalnog ministarstva finansija, stupa na snagu danom objave na službenoj internetskoj stranici Komore.

Saglasnost Federalnog ministarstva finansija na ovu Odluku prilaže se uz Odluku i čini njen sastavni dio.

Predsjednik Skupštine  
Revizorske komore Federacije Bosne i Hercegovine  
Milan Novokmet, dipl.ecc., s.r.



**Broj:** 04-02-1359/12veza E.P.  
**Sarajevo,** 20.11.2012. godine

**Revizorska komora  
Federacije Bosne i Hercegovine  
ul. Mis Irbina br.5  
SARAJEVO**

**Predmet: Saglasnost na Prijedlog Odluke o stopi doprinosa, iznosa članarina i naknada Revizorskoj komori Federacije Bosne i Hercegovine, dostavlja se**

**Vaza:** Vaš akt broj:P-10-17/12 od 16.11.2012.godine i akt Prijedloga Odluke o stopi doprinosa, iznosa članarina i naknada Revizorskoj komori Federacije Bosne i Hercegovine, broj: S-10-12/12 od 30.10.2012.godine

U vezi sa Vašim aktima, broj i datum veze, a na osnovu člana 64. stav 3. tačka 2. Zakona o računovodstvu i reviziji u Federaciji Bosne i Hercegovine („Službene novine Federacije BiH“ broj: 83/09), Federalno ministarstvo finansija-Federalno ministarstvo financija daje

### **S A G L A S N O S T**

Na Odluku o stopi doprinosa, iznosa članarina i naknada Revizorskoj komori Federacije Bosne i Hercegovine.

### **Obrazloženje**

Članom 64. stav 3. tačka 2. Zakona o računovodstvu i reviziji u Federaciji Bosne i Hercegovine („Službene novine Federacije BiH“ broj: 83/09) propisano je da Revizorska komora Federacije BiH donosi Odluku o iznosu članarine uz prethodnu saglasnost Federalnog ministarstva finansija. Ministarstvo je detaljno razmotrilo predloženi tekst Odluke o stopi doprinosa, iznosa članarina i naknada Revizorskoj komori Federacije Bosne i Hercegovine, broj: S-10-12/12 od 30.10.2012.godine i konstatuje da se ista može uputiti u dalju proceduru razmatranja i usvajanja.

S poštovanjem,

**MINISTAR**

**Ante Krajina**

---

Sarajevo, ulica Mehmeda Spahića br.5  
Tel +387 33 253 400 Fax: + 387 33 663 314  
e-mail: [info@fmf.gov.ba](mailto:info@fmf.gov.ba)

